


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

24

T 3222/0.83.2



福建續志卷五十五

塔佛大學漢和
圖書館珍藏印

文苑三

寧府

宋

吳秘字君謨甌寧人景祐初進士為侍御史兼知諫
、以言事出知濠州秘好學著易通神五卷註楊
子戔太元嘗歎春秋三傳同異欲作春秋集解以
省府闕委因乞閑郡補同安守仍畀以轉運使祿

秩府志

林志寧甌寧人嘗詣文彥博求教彥博云此無以相

益有二程先生可往從之因詣程氏求見與游酢
楊時為同門友

閩書

徐常字彥和建安人元豐進士問學該貫與陳襄為
友歟歷州縣奸民猾胥畏若神明與蘓軾兄弟遊
軾常稱為奇男子

府志

陳律字宗禮政和人博學多通元豐八年登第嘗留

詩西門外云三島路從天外去一枝香折月中來

遂以折桂名亭

府志

游復字執中建陽人篤實純明居鄉以經學教授生
徒凡受業者往往率德自好一舉於有司不第遂

終身不求舉楊時誌其墓曰德足以私淑諸人學

足以垂世傳後

府志

陳揔龜字朝端建陽人居近朱熹日與熹遊熹與書
勉之問學不下百餘章舉進士授永豐尉未赴卒

閩書

葉湜字子是甌寧人舉進士以父任調新化籍尉顛
之寧都改惠安丞時守泉者真德秀嘗稱僚佐之
賢者數人而湜與李公晦為最公晦學邃氣平本
經術明世用湜堅彊介直遇事無難二人勁易不
同同歸於是德秀既得二人之助二人亦相得甚

歡湜仕終安仁令壯歲遊朱門得其直養之說故
為人磊落光明無所回隱道南源委

參府志

熊夢渭字竹谷建陽人少受業於蔡淵後遊真德秀
劉屋之門潛心問學不求聞達著有禮通議春

秋約說

府志

劉欽字子時建陽人在襁褓中啼哭示以書帙即笑
甫能言母梁氏教以古詩輒成誦不忘七歲日受
數千言每夜達旦母憐而節之乃匿膏室中候母
寢復燃從蔡沉學精於易以蔭補承事郎有政聲
歷官殿中侍御史歸隱武夷著有書經衍義文集

十卷

道南源委

劉銓字子平建陽人博通詩禮其學一以考亭為宗
登開慶進士授臨川尉政治有聲尤工吟咏贈炙

人口

府志

劉翔字圖南浦城人通諸經尤注意於易累舉得官
調蘄春尉因上所著易卦辭尋授福州教授翔謂
教官風化所係要當上不負天子中不負州郡下
不負子弟入學之意著有易解十卷

府志

明

蘓仲簡名境以字行建安人好學善文詞與兄伯厚

弟叔敬季雅自相講授洪武初以明經授崇安訓導以詩鳴著有敬所小藁四卷府志

丁顯字彥偉建陽人博通經史援筆成文洪武中會

試第三人及廷試顯居首練子寧次之黃子澄又

次之先是上夢三絲墜地將臚唱以子澄年少議

論過激抑置第三而以二甲花綸易之三人姓名

俱有絲上喜甚俱賜狀元授翰林修撰明開科狀

元及第自顯始坐事謫廣西馴象衛死戍所雙槐歲抄

黃福字汝錫浦城人學博而有淵緒由貢任杭州府

訓導擢太常博士永樂中與修五經四書大全及

性理大全陞寺丞卒府志

楊晉亨建安人廩生榮裔孫博極羣書六經子史皆

能發其奧旨古文詞直逼秦漢詩有盛唐風人稱

為絕代奇才有文集若干卷府志

陳本字可棟松溪人工古文詞與陳至言葉紀范茂

先魏濬同時時稱五才子有集府志

范茂先字華甫松溪人工古文詩歌邑人魏濬稱其

詩自屈宋西京以下及元和長慶靡所不窺不斤

斤求似而風格自合嘉靖間主禦倭之策卒全其

城府志

蔣易字師文建陽人勵志篤學博極羣書篇磨句定
手自刪錄學極精到為文汪洋滂沛直追古作者
著有鶴田集二十卷編類元朝風雅三十卷府志

國朝

楊士美字在中甌寧人博洽通古今所學醇正一以
經史為準令饒陽有善政著有長言史論府志

暨嘉祉字扶陽浦城人邑諸生名為士林冠善詩文
兼有膽畧順治十三年招山寇陳德容就撫擢古

田訓導邑士多所造就縣志

邵武府

宋

黃徽始祖膺從王潮渡江卜居邵武故縣徽以儒術
名游梁宋與趙普善所著有詩文集府志

李夔字師和邵武人書一覽成誦文不停綴舅氏黃
履每器重之與楊時友善登元豐進士為華亭尉

有政聲官至右文殿修撰卒時為撰墓銘後以子
綱贈太師衛國公縣志

李純德字得之光澤人少治周禮學兼左氏春秋為
文簡古不逐時好居家篤於孝友邑嘗以民兵為
屬純德為制陳擊刺之法以時閱習甚有可觀紹

興五年以特奏恩將入奉廷對先卒朱子為作墓

銘閩書

李呂字濱老號澹軒光澤人事母孝從學於從叔郁
郁學於楊時家學之傳自有端緒晚見朱熹於廬
阜為講學友呂學甚富而尤深於易每言易在識
時和之以義苟非真知易之所在而喜言變反害
於易矣子閔祖相祖壯祖俱篤學世稱烏州李氏
壯祖初以書見朱熹求教熹語以為學之要登嘉
定進士府志參道南源委
李直翁邵武人少時飄蕩豪爽莆田方士繇語

之曰以子之才隼何善不可為乃甘心里巷耶實

感泣奮勵修飭登朱熹之門問學精詣言行準繩

人敬嘆之道南源委

上官偉長號閩風山人邵武人與嚴羽友善工詩同

邑吳夢易字潛夫其詩亦派出羽朱正中字叔大

號力菴官至通守黃裳號則山及正中子汝賢俱

有詩集行世府志

李賈字友山光澤人與嚴羽為友工詩光澤舊志

明

黃伯珪字孟友光澤人少有才名能詩善書登洪武

進士任監察御史凡得一詩字者寶如奇珍縣志

花潤生字蘊玉邵武人幼善讀書人以爲書肆登永

樂進士歷官浙江僉事吏部尚書王直薦其經學

通明遂轉提督江浙學校著有介軒集府志

朱燭邵武人由貢除福寧州訓導平生篤信強記諸

子百家無不貫通郡守吳國倫延之以外史相質

燭應答如流三年未嘗有所干吳敬重之府志

朱焯字惟盛邵武人沈穎博古有聲鬻序世間奇書

無不披閱彙以成帙有詢以典故者旁引曲証人

人愜意而去屢阮公車杜門絕客著書立言有集

數種傳於世府志

徐梧字鳳儀九歲能文郡守吳國倫一見奇之屢受

知於督學聲籍甚爲人淵沈純粹工楷書及大字

善古文詞操筆卽成神閒思逸有超然自得意著

有四書近言府志

謝廷簡建寧人能詩以貢授訓導嘗有句云野水流

雲寂秋山帶月寒過夾馬營云輿圖久屬飛龍歷

驛路猶傳夾馬營送僚友云青氈兩歲同聽雨黃

葉三吳又上船著有綱齋集府志

朱德政字星衛性耿介卜築白渚溪日誦咏其間韓

歐文皆手錄以讀故為文如行雲流水有大家風味崇正辛巳入上庠聲名籍甚著有毛詩補說

續志

國朝

上官銓字式如光澤人性至孝年十四補弟子員沉酣經史日殫力於詩古文時稱大雅康熙中郡守舉以山林隱逸文行兼優之 詔謝不赴年七十

五卒 縣志

曾益字子謙號牧菴光澤人潛修洞光巖十載凡經史百子皆得其粹精而今古時事亦瞭如指掌康

熙中以貢任長泰訓導廉於束脩勤於課士所著

灑園集長泰歸來集 縣志

龔道字汝宏光澤人雍正中歲貢少失恃與弟選事繼母並得歡心性耽詩酒尤究心經學邑士多出其門著有尚書纂要講義書經便讀註釋 縣志

汀州府

明

廖輔字舜文長汀人宏治二年以明經知壽州政事

明敏公餘猶讀書不輟善詩工草書 縣志

李堅長汀人宏治進士授行人歷戶部郎中為人博

治英敏雄詞麗句每片紙出人競寶之府志

鄒時豐字當年清流人萬歷舉人授永福教諭擢湯

溪今有詩名曹學佺深器重之府志

黃欽傑字孺子寧化人沉酣經史工詩古文詞屢試

不遇而卒同邑黃欽望亦能詩著有紫竹林詩集

二卷府志

李夢鯉長汀人泰昌恩貢生五中副車而不得一第

由順天訓導擢桂林通判博極羣書多著述曾以

三殿工成獻賦朝廷嘉獎之縣志

陳姓字二生弟喆字二吉歸化人俱明經工詩古文

詞性著合璧樓集喆著十笈集府志

國朝

邱夢鯉上杭人崇正癸酉舉人 國朝任榆次令善

詩古文著有歸來草澹園集讀史隨筆府志

陳孚虞長汀人順治辛卯拔貢博學能詩著有淳意

齋稿縣志

李長日長汀人善古文詞尤長於詩著有石村草堂

詩文集府志

劉坊原名琅字鼈石上杭人祖廷標父之謙仕雲南

俱死難坊生於漁長而始歸為人卓犖英爽善詩

文有天潮閣集

府志

邱嘉穗字秀瑞上杭人康熙庚午舉人知歸善縣著

有東山草堂詩文集陶詩箋邇言

縣志

林寶樹字光階武平人康熙己卯舉人授海澄令不

赴有大全摘抄梁峰詩文集

府志

邱六成字兼之上杭人康熙間三中副車著有四書

說意易經說意粕餘集

府志

黎良德字質存號懷古寧化人博雅淹貫足跡遍天

下工書畫著漫游草由太學生授州同知學士大

天咸重其文

府志

伊元復字順行寧化庠生淹貫經史泛及天官地輿

醫卜禽遁諸書詩文極典則同鄉黎士宏交推之

康熙中以鴻博舉張清恪公伯行復檄郡伯造廬

徵之以疾辭所著有焦桐集子安民亦能世其學

府志

周宗濂字仰溪連城貢生博極羣書爲文千言立就

喜汲引後進隣有吳某貧不克卒學日給館餐以

勉其成吳後學成爲名諸生周急賑乏鄉人稱爲

長者所著洪園詩古文集士人翕然宗之

府志

羅孔裔字祖尼長汀人立品篤行潛修嗜學研究經

疏每以訓迪後進為功著四書裁述五經裁述九疇河洛解集漢唐宋明諸儒說訂其踏駁以求貫

串當世稱之府志

盧銓字省非永定人行醇學富文詞博瞻有體雍正

丁未成進士歸會歲饑汀郡上游閉糴銓寓書當

事得濟一邑賴之知鐵嶺縣豁逋賦建書院置學

田與諸生談經講學始終不倦著有詩文集若干

卷子觀源乾隆壬申舉人縣志

巫近漢字碧瞻寧化人砥勵名節雍正間舉孝廉不

就乾隆丁巳成進士宰樂昌屏餽遺杜請謁興學

校有循卓聲以鋤奸被誣去著有待質集西銘口

義旬廬詩稿府志

福寧府

宋

鄭昌齡字夢錫寧德人宣和進士耿介不苟秦檜當

國聞其才名欲處以美官以書諭意昌齡以詩謝

之後以太常寺簿召不赴調本路機宜文字終承

議郎閩書

王模字君定霞浦人與子萬章宗望共執經於義豐

之門宗望字希古義豐嘗稱其文大似唐子西宗

望學有源委於器數制度考核獨精道南源委

張權字有準福安人椽筆成文雄深典雅自成一家

舉進士判福州以寬厚敦俗為本民悅其善教府志

林偉字文叔寧德人學問該博與高頤余復為友義

方甚嚴子仕夔學行俱粹孫祖恭俱登第人稱詩

禮傳家府志

林珙字仲恭霞浦人篤信力行為文以理勝舉明經

不受強補本州訓導半載以疾辭晚年教授生徒

以開來學為已任道南源委

鄭議字子乘霞浦人少受業於韓信同信同嘗曰君

可續吾閩五賢理學韓卒心喪三年著有詩文集

道南源委

元

黃寬字洵饒福鼎人事親孝苦學工文世變避兵以

憂感卒無後宣城貢師泰為誌銘著有四書附纂

時事直紀府志

孫駮寧德人少遊太學鍵戶讀書舉進士授浙江縣

令將行猶造其師俞晰之廬而考業焉既老耽書

不懈官多善政府志

明

陳富春字必亨霞浦人方正持重燕居無惰容豪強多為所化以明經授濟州判官泰山有例金曰香稅上官憫其廉命主之至則悉免魯王慕其賢使使奉書以迎遷魯藩經歷平生博學工詩文著有

岱宗小史縣志

盛福字伯沂霞浦人永樂舉人為上虞訓導宣宗命選教職年深學優者親試端陽閱武詩福卷稱旨

進國子學錄長溪瑣語

李天章字雲溪福安人工詩文為諸生每以侃直忤當事與鄭善夫唱和著有詩集與同里郭允美齊

名允美博極羣書遊覽見山水時人謂之二隱府志

陳堯與字久進霞浦人其門歷歲貢家貧力學著易說養正授延平訓導兵科給事吳國華解帶以贈卒

祀鄉賢府志

蕭九州字禹錫福鼎人博學篤志以選貢知新寧縣為政有聲萬歷間上守禦十二策邑中利病便宜十二事俱中機宜當路重之府志

丁桂霞浦人早孤事叔如父工文章游白鶴浮劍津登高憑弔著有養晦詩古詩話長溪土產錄閩書

陳世理字朝燮福安人好學能文工真草篆隸為諸

永建紀元 卷五十五
生獻策平倭纂修邑志著有朱陸辨程蘓辨讀書
不識字解縮蝸集五卷日格數抄五卷蘓門集一

卷府志

陳曉梧字昕卿福安人苦學善詞選入太學國子師
器之與北雍諸名士結詩社及歸益肆力書史放
浪山水著小巫稿轂音篇府志

國朝

郭為瑛字文白福安人康熙甲辰進士少貧嗜學志
寢綽有文名出知鹽山縣歸養盡孝府志

陳淑字孟希福鼎人康熙戊午選貢通經史日成七

藝設教間塾多所成就府志

金向水福鼎人康熙中選貢家貧嗜學為文多奇氣
善接引後學一時知名士咸出門下設教秦與學
者稱慕園先生府志

林日燭字啓晨寧德人雍正甲辰進士為文離奇恣
肆下筆千言知武昌雲陽二縣所至有惠政府志

陳裔長字庚續寧德人性恬淡家貧守義好寫五嶽
圖讀古書善書法與林士愚相賡和著有蛩吟詩

集府志

范民譽字伯名壽寧人由恩貢授大田教諭不就博

覽羣書尤精於詩經著有詩經說寔溪詩集格言
纂要府志

臺灣府

國朝

馬廷對字策生臺灣人苦志讀書康熙癸亥臺始試
士廷對首列弟子員癸酉充貢嘗分修郡志董建

諸邑學宮縣志

王喜寧臺灣人貢生善著作嘗自撰臺灣志勤於搜
羅後之修志者以為藍本云縣志

永春州

宋

蔡茲字光烈永春人先以明經領鄉薦紹興二年為

建州鄉試考官謂人曰吾取中一生策三篇皆欲

為朝廷措置大事他日必非常人榜發乃朱熹也

其藻鑑如此後以詞賦第進士閩書

顏褒號唯菴永春人弱冠遊江湖遂於經學詞藻豐

贍書法尤精嘗開塾以教後學閩書

蔣明紀字綱甫德化人幼能解詩說經探大衍數尤

工五七言詩每一篇出人爭傳誦州志

陳文叔字元彬德化人博搜洽聞文詞蒼蔚名冠太

學中學者皆宗師之著有西笑遺筆閩書

元

郭居敬字儀祖大田人性至孝夙能詩虞集歐陽元欲薦之固辭不起著有百香詩州志

明

林燿字伯基德化人以明經授長洲訓導陞東安縣雅善詩文著有茂苑雜記都荔山房詩集弟煥有詩名從弟擯以文學稱縣志

劉鏊字後坡永春人以孝友聞天啓甲子舉人授知縣歷澱江知府著麟旨要書說約無題詩金馬嘯

歌寒燈懷古後築居詩抄舊縣志

連登岸永春人天啓丁卯舉人授福安教諭博學善屬文尤精星緯之術著天文志州志

國朝

林汪遠字希士德化人與從弟模康熙丙午同舉於鄉癸丑模成進士而汪遠令雲和親喪服闋補南部知縣著有大學兒說燕回閒史詩冊各集模字靖若宰興寧普寧俱有政聲工書尤精繪事著四書講義詩書易解義縣志

蕭宏樑字允瞻德化人康熙丁卯鄉試第一庚辰會

試房考俞長城擊節稱賞生平著述極富縣志

鄧啓元字公季少名幼季德化人幼卽博通經學十

三歲以熟十三經補庠生尋拔貢成均雍正丁未

一甲第二人授翰林院編修內閣學士方苞器重

之以所注三禮屬其訂證壬子主試湖北闈卷繁

委親自校評所拔皆知名士以瘁致病旋京卒年

三十四節家傳

龍巖州

明

蘓孔機名疇以字行龍巖人正統間貢入太學授同

知有善政以老乞休晉朝列大夫嘗與潮州守王

源考訂軼事輯邑志刊之卒祀鄉賢州志

陳九叙字爾纘漳平人萬歷甲戌進士受學于曾廓

齋以簡易中正爲宗授刑部主事用法平恕出守

處州左遷鹺司親喪歸起補桂林府同知尋乞休

自居官以及致仕未嘗問家人產常言學必成其

大不在一節取名高學必成其是不在與人競門

戶有心源錄及詩文行世閩書

蔣時馨字德夫漳平人隆慶中貢成均遍交海內士

輒自奮曰人不學古人虛過一生耳萬歷丁丑成

進士授新喻令潔已愛民調南銓部丞再調考功
郎門絕私謁豫章李材寓漳倡道海濱時馨師事
講修身為本終日不倦所著有體仁編閩書

廖天瑞字季符寧洋人萬歷丁酉舉人除新昌縣有
善政能得士如吳甘來熊士達吳泰來諸名輩皆
出其門致仕歸囊篋蕭然工詩文又精岐黃術嘗
題齋聯曰相不得為醫得為稍扶人世名非所好

酒所好聊樂我生州志

連瓚字鳳雲龍巖人萬歷恩貢授興寧訓導嘗署縣
事平寇築堤民利賴之又工古文詞修龍巖志立

宋文丞相祠瓚自有記州志

葉時新字蒼竹漳平人年四十力學有得盡焚其少
年雜著與陳文溪蔣蘭居講明窮理致知之學乃

教授里中士多出其門稱為泰窩先生州志

王命璣字君奉龍巖人天啓副貢以纂史告成授通
判告歸鍵戶讀書詠詩自適閩書

連金字士礪龍巖人以貢歷思恩府同知有循聲卒
於官善詩古文著有小草集州志

廖曇字甫臺龍巖人天啓辛酉舉人為文鎔鑄經史
力矯時趨尤邃於易州志

國朝

章士穎字君實龍巖人順治丁酉舉人居家孝友究心墳典與修邑志初授龍安司李改縣令請免民糧若干一邑賴之秦州志有一中分造化圖乃取

周易圖參考同異著易說窮源

州志

吳連字水崖龍巖人由舉人知衡山縣政尚簡靜充

鄉試同考官所取士皆一時之雋及歸與生徒論

文戶外履滿工詩古文詞并善楷法

州志

蔣振芳字子宇漳平諸生早歲究心經書子史及天

文地輿等書十試不第邑令屬修縣志振芳購會

廓齋屬舊志與邑士廣搜軼事續成之

福建續志卷五十五終

福建續志卷五十六

寓賢

鴻鵠志摩蒼穹其息也則擇幽曠之宇渤澥之
瀕而託足焉君子生間里行不踐閩殆及壯遊
疲于歷聘或策名筮仕不幸而放斥又不幸而
謫戍流連異地遂將終身如此蓋不少也閩處
東南海上境幽而勢阻孤臣遷客隱淪之士自
唐宋以來厥趾相望且茲地旣擅山水之勝騷
人逸軌來游來歌篋而紀之亦此邦之光也不
然躡屩而來乘葦以至芸芸者又安足爲爰居

慶哉乃因前志流寓甄錄其尤為寓賢志

福州府

元

鄭靖字文靖休寧人以明經授懷安教諭愛其風土

遂家焉身範端整士論宗之閩大記

國朝

朱彝尊字錫鬯號竹垞秀水人康熙己未以布衣薦

博學宏詞召試除翰林院檢討先是歲壬子彝

尊曾遊閩抵三山而返既歸老戊寅春復偕查孝

廉寧行來遊武夷探幽窮蹟遂復過三山與門人

汪學使薇同年汪方伯楫老友林侗林偉盤桓半

載倡和尤多閩人士至今猶傳誦焉纂陳廷敬撰墓志

查慎行字悔餘號初白海寧人康熙癸未進士授翰

林院編修慎行前為孝廉時與朱彝尊遊閩歲乙

未復抵三山登九仙平遠臺訪道山亭故址浴湯

門外溫泉賦詩而歸年已開七十矣隱拙齋文鈔

查嗣琛字德尹號查浦慎行弟少時與兄齊名中年

兩度遊閩嘗與梅徵君文鼎同舟賦建灘詩九首

磊落奇古不減杜少陵入蜀諸作徵君為攔筆康

熙庚辰入翰林視學順天以侍講告歸隱拙齋文鈔

傅王露字閔林號玉笈會稽人家于仁和康熙乙未
 進士第三人授翰林院編修歸田後屢掌直省書
 院教事乾隆丁巳巡撫潘思榘聘為鼇峰山長時
 王露年七十餘進弟子講藝猶警欬若洪鐘每課
 文雌黃甲乙必作蠅頭小楷暇與閩士大夫結交
 酒之歡勝地名塲題咏殆遍居二載歸與禮部尙
 書長洲沈德潛纂杭州西湖志畧適藏事 翠華
 南幸恭進稱 旨御製詩以為序旋晉贊善 賜
 額 賜硯年八十六卒 香草齋
文鈔
 靖道謨字果園湖北人以康熙辛丑庶常出知姚州

嘗為黔省通志總裁乾隆癸亥來閩為鼇峰書院
 山長其教先敦行而後修辭循循中程則闡人士
 言師範者歸焉 香草齋
文鈔

魯曾煜字啓人號秋塏會稽人康熙辛丑進士改庶
 吉士歲壬申掌教鼇峰曾煜遠於經術諸生服其
 教益力古不懈嘗與錢唐施廷樞纂修福州郡志
 廷樞職其詳曾煜職其要皆燦然可觀著有秋塏
 集人士競傳寫之 香草齋
文鈔

姜虬綠字秋島歸安諸生雍正中以賢良薦乾隆初
 以鴻博薦俱辭不赴慕閩霍童武夷之勝躡屐恣

遊福寧守延為近聖書院山長人士宗之有前溪
詩集五卷文集十二卷

李堂撰傳

陳黃中字和叔吳縣人乾隆元年 召試博學宏詞

及再應京兆試胥放歸乃幕遊南北為養親計諸

開府皆引以為重陳文勤世倅孫文定嘉淦尤器

之將薦于朝黃中謝弗就王恕開府閩中延與俱

幕府近山黃中寓齋在高處俛瞰羣峰蒼翠繞座

佐理之暇流連嘯傲昕夕不輟恕益敬禮之慕太

姥霍童之勝將往探焉居二載恕解官乃遊武夷

而返

隱拙齋文鈔

姜宏泰字世文錢唐人僑寓冶城乃迎母與兄就養

以金川輸餉例得授官讓于兄子其遠祖唐姜忠

肅公輔謫葬南安歲久墓地為豪右所侵宏泰靡

金數千購歸繕葺之又構屋石倉園側以舍其鄉

人之客聞者乾隆戊辰連江饑平糶煮糜活人無

算友死為殯葬撫其孤閩士大夫欽其義行皆折

節與交卒于閩子孫遂家焉

道古堂文集

興化府

晉

鄭昭滎陽人永嘉之亂避地來閩居永泰嘗遊莆愛

南湖山水之勝葬其祖於此陳時昭之裔曰露莊
自永泰徙莆廬于墓側名勝志

泉州府

唐

薛沙長溪人令之裔孫為龍溪尉因卜居於同安嘉

禾嶼人名所居嶺為薛嶺名勝志

羅隱字昭諫餘杭人工詩自號江東生成通中嘗遊

晉江羅裳山後歸吳越官從事閩書

杜襲禮昭宗時為水部員外郎朱全忠篡唐避亂來

泉依刺史王審知與常侍李洵承旨韓偓同賓禮

宋 於招賢院及王延彬為泉州刺史襲禮時樓開元
寺延彬就建慈恩院居之後賜紫衣號逍遙大師
王氏家乘

宋 王安中字履道陽曲人歷官觀文殿大學士以郭藥
師之叛為言者所訟象州安置子辟章知泉州迎
安中就養愛南安九日山有終焉之志卒葬葵山
著有初寮集鉅野李邴為之序南安縣志

元

馬速忽字子英色目人以進士歷官福建行中書省

員外郎妻為悍卒所迫殉節死速忽感其義不娶
攜一子寓晉江之沙堤飄然若方外士志操高潔
尚名節元季士風委靡鮮有其倫隆慶府志

明

路振飛字見白曲周人天啓進士巡撫淮陽時唐王
聿鍵待罪鳳陽振飛周卹甚厚及聿鍵監國福州
起振飛吏部尚書文淵閣大學士 國朝順治三
年 大兵進仙霞關聿鍵走汀州振飛追赴不及
遂隱于泉之海島後歸卒於途明史

熊汝霖字雨殷餘姚人崇正進士授同安知縣擢東

科給事中從魯王入閩居廈島鄭彩憾汝霖殺之
竝及會稽諸生鄭遵謙與王幼子俱投海中明史

沈宸荃慈谿人崇正進士官行人魯王時累官至大
學士從王泛海寓居廈門金門後艤舟南日山遭

風沒於海明史

陳士京字齊木浙江人官給事中隨魯王泛海入閩

寓同安之鼓浪嶼卒泉州府志

姚翼明字興公平陽人從魯王入閩官給事中嘗寓

廈門東嶽廟後歸卒著有南行草泉州府志

漳州府

宋

連南夫應山人累官經畧安撫使時金人歸河南地
 南夫表賀有虞舜十二州昔皆吾有商於六百里
 當念爾欺之語為秦檜所惡謫知泉州尋隱於龍
 溪尚書峰之麓人因名其所葬地曰連山龍溪縣志
 唐介字子方江陵人父珙官漳州介隨侍焉珙卒于
 官州人知其貧合錢以贖介年尚幼謝郤之後累
 官叅知政事漳州府志
 文天祥吉水人時有勤王之詔天祥集義師收兵汀
 州移屯龍巖之湖村後由漳入海兵敗死于燕市

明僉事謝汝儀以天祥駐師於此祠祀之漳州府志

明

徐孚遠字闇公華亭人崇正舉人松江破遁入海居
 廈門會厝灣嘗遊龍溪所題拂皆勝流後復入海
 不知所終明史叅龍溪縣志
 延平府

明

彭君選不知何許人寓永安文昌橋 國朝順治二
 年八月唐王聿鍵兵敗為 大兵所執君選衣冠
 北向拜投水死延平府志

朱益采浙江人明末遁跡郡城家壁立以岐黃餬口
著有到處堂集延平府志

建寧府

宋

韓无咎紹興甲子寓建安夏大水舉家蕩覆幾危杜
受言提舉茶事募人拯之无咎作詩自唁有托命
已甘同木偶置身端亦似羸瓶之句小草齋詩話

國朝

吳梅榔桐城人攜二僕入閩至甌寧之接待菴棲焉
菴久朽不蔽風雨處之晏如歲餘一僕亡去一僕

死於虎梅榔自析薪供爨數不舉火或遺之炭米
不受順治丁酉疾篤乃自言其姓名籍貫語畢俛
首而逝前志入叢談今改入寓賢

邵武府

明

傅冠字元文進賢人天啓進士第二人累官禮部尙
書兼文淵閣大學士崇正己卯告歸賊蕩其家因
入閩唐王聿鍵趣冠督師旋解兵柄寓泰寧江亨
龍家亨龍縛冠以自贖械至汀聞命下方對奕
欣然赴市未幾許歸葬起棺改襲顏色如生明史

元 卷三十一
參汀州府志

汀州府

明

陳際泰字大士臨川人未第時讀書武平之象洞者

累年

武平縣志

周之蕃字長屏井研人唐王時官總兵晉伯聿鍵奔

汀之蕃亦屯駐郡城值巷戰之蕃厲聲曰我即唐

王意欲詭辭脫主於難也語未畢羣矢蝟集其身

時方溽暑死五日而肌色瑩然

汀州府志

呂大器字東川蜀人崇正間某官明亡入閩經長汀

與邑人黎士宏善往來無虛日時有舊屬方貴顯

數造門終不一見丰采肅然

仁恕堂筆記

國朝

徐元文字立齋崑山人以翰林謫潮陽寓于汀與郡

人士多所唱酬有朝斗巖東普同塔記

汀州府志

申繹芳字霖臣吳郡人嘗至汀與方伯周亮工交有

遊閩詩紀亮工為之序

汀州府志

福寧府

明

唐寅字子畏吳縣人嘗寓寧德縣邸有題墨菊詩

福寧

府志

臺灣府

國朝

郁永河字滄浪浙江仁和諸生好遠游意興甚豪編歷八閩康熙丁丑以采磺來臺著稗海紀遊一書多撫拾臺中逸事所賦詩有可傳者

臺灣府志

永春州

五代

留廂使

名失傳

固始人晉永隆四年官廂使團練後避

契丹亂來桃林居焉

舊永春縣志

國朝

邵光孕紹興人順治二年與弟嘉孕友董其音來閩值寇亂道梗寓德化二載歸同登壬辰進士

德化縣志

龍巖州

闕

福建續志卷五十六終

福建續志卷五十七

隱逸

至治之世六宇光熙羣庸底績而寢巢漱淵之
侶往往自甘淪匿豈必遭時不偶然後獨行其
志哉在昔范史創傳逸民方國之書紀先賢高
士者甚備而閩地川谷邃清奎衡之下栖遲概
見焉蓋與其執爇而悔何如絕機以虛其心顛
趾則羞不若藏器以貞其守易曰不事王侯高
尚其志謂非砥世礪俗之一端歟若夫觀時俯
仰以倖功名之會終不得志而飾名高於遐遁

者君子亦無取焉續隱逸志

福州府

五代

盧皓林甲者故二隱士也梁時二人避地而釣愛福

唐小練山山水誅茅隱焉後二姓繁盛遂為福州

巨族十國春秋

林省鄒福州人累舉不第慷慨好直節時政事日非

會晉使盧損來聘省鄒私謂曰吾主不愛其親不

恤其民其能久乎余將僧服而逃行當相見上國

耳後不知所終十國春秋

林

林搏字圖南福清人舉八行入太學政和五年中特

科受楚州參軍不赴隱於靈石九疊峰下搏性豪

逸善琴不肯輕為人鼓徽宗三召入內為奏悲風

一曲上惡其名不樂而罷靖康之禍蓋先見云著

有琴譜三卷詩二卷萬歷府志

元

鍾耆德字元長閩縣人少好學孝友性成家貧不娶

教授生徒以養親晚經至正之亂舊業蕩盡每以

甘旨不充為恨親沒哀毀滅性與二弟明德順德

處怡怡如也者德清修苦節其學博極羣書詩文
雄渾明德字叔遠清詞懿行與兄偕隱正德府志

陳仲文字奎甫元季隱居山林號樂樵子嗜學能詞
章嘗與族子潔建書室於藍槁林壑中以程朱之
學倡其鄉人長樂縣志

明

陳週字仲昌閩縣人嗜學通魯史明隱公以來二百
四十二年事然不數與人言也好為詩時有所作
吟咏自怡所居石潭種竹萬挺結草亭樓隱其中
以子叔剛貴封監察御史足跡不到城府若將終

身焉

萬歷府志

高昇字景初閩縣人正統間鄉薦試禮部不偶卽歸
隱教授門下士多所造就凡有鬪者不之官訟輒

就伸曲直

萬歷府志

石鏡字可日福清人幼孤而貧母寡紡績授鏡書舉
明經後隱于江陰島中自稱石道人性放達喜佳
山水日徜徉嘯咏其間與僧幻來白漁子為方外

交

舊通志

吳楷字子方閩縣人始為諸生有文名後隱鼓山湧
泉寺側祝髮稱骨僧以鬻豆腐為生朋舊載酒遊

湧泉者則訪昌僧昌僧與飲不吝或貴人至則匿
弗與通舊通志

何其偉字梧子福清人丙戌舉人流寓連江明亡僧
帽道帔隱居教授自稱逋民暇則抱甕灌園足跡
不入市城所種蔬菜鬻金自給外間以餉人不自
知其貧也著有濤園別集府志

陳發曾字世承侯官人明季諸生不求聞達兀坐小
樓家鄰城西荔水莊憑欄吟嘯俯仰自得寬衣博
帶每談忠孝遺事掀髯奮袖娓娓不倦又留心文
獻凡勝國之臣戚紀其事家皆貧子孫淪落遺集

俱不傳府志

國朝

陳名賓號際伍邑廩生敦名節善屬詩文著有理學
真儒論書經講述明季知縣夏允彝雅重之常贈
以古風時海氛起與子鳴瑜鳴琪謝試事築室松
坪偕隱以老長樂志

蔡又新字在新號居諸逸士侯官人其先籍直隸淮
安始祖肅以雲騎尉入閩世襲食田羅源又新力
學汲古尚氣節束身正軌天啓間補弟子員後遭
亂葺茅高隱常慕陶靖節之為人素工詩文惜多

散佚 黃晉良撰傳

楊維熊字乃武侯官人厲志古人不慕榮利講學於

鼇江幕浦三十年足跡不至城市著有周禮管子

詳解尚書要言 府志

興化府

唐

陳鄙字純仁莆令邁之七子也其先為光州固始人

僖宗中和間祖常侍潤避黃巢亂入閩至邁生七

子分居七建或仕或隱鄙獨隱仙遊之光埔結草

堂數間治園為生植蔬果賦詩自適 縣志

宋

林彖字商卿仙遊人幼孤隨母鞠於外祖陳次升家

後僑居真州師事劉安臣任伯雨陳瓘學益進紹

興初嘗召為簽樞密使禮致不赴事母盡孝遂結

志區外隱於寶幢山榜所居軒曰聽雨園曰意足

非所好叩門輒不納如是者四十年自號曰萍齋

開書參縣志

陸釗字二思左丞相秀夫子端王浚秀夫與張世傑

陳宣中等立衛王為帝奉駕至楓亭蔡曰忠感異

夢以女為秀夫次室而有孕遂留於楓亭而生釗

匡山之難秀夫殉國蔡氏聞之以秀夫別時衣冠
招魂葬於莆之嵩山元元貞二年命宣撫李文虎
訪秀夫子錄用釗却聘以詩謝文虎歎曰孝子出
于忠節之門無容強也初遷莆後復居楓亭竟元
之世其子孫無有仕者

縣志

元

林亨初名條字蒙亨未遇時自負其才嘗作螺江賦
以自寓至正三年進士廷對第一時年已五十三
矣累官朝請郎未幾鼎革亨義不苟屈隱於寶幢

山下以終

縣志

明

茅鏞字延紹博通經史尤習六書法正德嘉靖間兩
聘纂修孝宗武宗實錄授博士弗受慕陶柴桑多

植菊因號南窓居士

縣志

柯宗仁字自爲弱冠游庠有聲後厭棄科舉學闢柯
山嬾雲洞讀書其中聚朋考古凡五禮悉遵朱元
晦書遇三族喪無問遠近必赴弔敘諸子惟嚴敬
二字庭闈肅睦里人指所隱洞曰聖洞著有愚公

素書葦菴齋紀懷

縣志

亦疑系云
卷五十七
吳稔字時畊仙遊人性穎悟嘗賦廬山瀑布詩有入
雲聲作雨映地色涵秋之句試鄉闈不利遂不復
應舉後當路兩薦為訓導以母老辭晚築草菴自
居蒔菊千餘本因以菊泉自號縣志
林兆恩字懋勛莆田人生有異質年十三袖金散給
貧人日損有餘補不足天道也補弟子員銳心學
道隨方獎勸時倭寇薄郡城會衆募兵却之又饑
旱存臻發粟極濟全活者甚衆雖隱跡鄉邑天下
名流尊宿無不重其人縣志

陳昂字雲仲莆田人為諸生時倭寇郡城領妻子奔
豫章織草履自給繼之以卜復由楚入蜀皆傭于
僧登峨眉遍歷三峽劍門之勝後寓江陵松滋公
安已陵諸處俱以詩紀勝至金陵自榜于扉為人
傭作詩文居數年竟窮以死縣志
鄭郊字牧仲莆田人博學能文幼嗜經史長以著述
自任補弟子員嘗謁黃道周稱之曰鄭牧仲一日
千里未易材也已而迹跡壺山之南泉遂號南泉
居士未嘗一至城市著書甚多弟郊亦諸生好學

博識與郊齊名隱遁終身縣志

黃驥陞字陟甫黃尚書道周從姪天資淳篤讀書數百遍乃成誦誦即焚之終身不忘與同里林蘭友為莫逆交舉天啓四年鄉試及流氓之亂匿跡不仕與蘭友抗賊南旋相率入海偕徐孚遠諸人放浪憑弔以卒從弟寅陞字弼甫邑諸生與驥陞相為師友平居論天下事目光炯炯後驥陞等遁海上寅陞亦削髮隱於楓之程厝鄉號楓溪退士縣志

劉應璋字銘勳仙遊人唐藩建號擢提刑按察使王

歿遂隱於仙巖崙下及海寇發應璋奉母入城城陷與母女俱死同邑黃壽徵楓之諸生少負雋才重氣誼鼎革後隱居林泉乙未城破被害劉堯章字陶九甲申後高隱却聘遁於百原溪鄭邵字勉仲隱於九鯉湖應璋皆與之遊道服芒履容與山林不識為仕宦中人也縣志

國朝

楊瑞鳳字和仲仙遊人崇正十六年武進士功陞遊擊退居暘谷山寇郭爾隆等竊發瑞鳳親冒矢石

與禦凡十一戰始解里恃以安天下既平竟無意
仕進尋山水之遊

縣志參楊氏家傳

林昞字孟昞仙遊人御史蘭友姪博極羣書從不與
試親老家貧課徒以養親病醫未效繼以割股嘗
曰山林吾樂也如願足矣有問及御史當時事輒
悲涕不為置對因自號曰嘿齋

縣志

鄭亮黼一名袁字山甫莆田人穎敏工詩文及書法
然不樂仕進枕漱泉石間有漆園傲吏之風人求
詩與書法者揮毫應之無所吝晚得心疾而卒疾

革時囑其孫曰吾生平陰行善事人無知者爾必
勤學以紹先業孫文炳後果力學為世名儒

省心堂集

泉州府

宋

崔唐臣晉江人與蘇頌呂澹同學蘇呂登第崔憮然
罷舉其後蘇呂入三館乘馬偕出循汴岸見一士
艤舟坐窻下蓋崔也亟就謁之問其別後况味曰
倒篋中錢以半買舟以半市貨蘇呂邀與歸不可
但叩官居坊曲所在明日自局中還崔各留刺再

訪舟次則已行矣歸視刺末書細字一絕云集仙
仙客問生涯買得漁舟度歲華案有黃庭樽有酒
少風波處便爲家

閩書避暑錄合纂

林知字子默晉江人隱居篤學有志尚築室靈源山
之巔人鮮見之熙寧間嘗詣闕上書論時政久不
報在京時惠安簿林迥訪其書室題壁間曰先生
平昔命何非萬卷詩書一布衣回首長安城底事
吳山蒼翠幾時歸遂歸隱不出

府志

南安翁者不知姓名漳州陳元忠赴省試過南安會

日暮投宿野人家遇翁翁雖麻衣草屨而舉止對
談宛若士人几案間有文籍散亂視之經子也問
藏書何用曰偶有之因雜以他語少焉風雨暴作
其二子歸捨鋤揖客人物不類農家子翁進豆羹
享客不復共談遲明別去陳以事留城中翼日見
翁倉皇而行陳追詰之翁云大兒關外鬻果失稅
爲關吏所拘陳爲謁監正至則已捕送郡翁與小
兒偕詣庭下長子當杖翁白郡守某老藉此子贍
給若渠不勝杖翼日乏食矣願以身代小兒曰大
人豈可受杖某願代兄大兒又以罪在已甘心焉

三人爭不決小兒近父傍耳語翁叱之郡守疑問對曰大人帶職正郎宜和間累典州郡現有誥勅翁急拽其衣使退不得守遣取果得之延翁上座而釋其子次日枉駕訪之室已虛矣逸民史

元

陳元麟字子信惠安人性嗜學每取諸葛武侯吾心如秤不能為人輕重之言以自儆隱居邑之烏石山種稻盈郊樹桑環宅市書課兒釀酒延賓放浪藪澤間以卒府志

明

趙士亨字應嘉晉江人元季為縣吏未幾棄去杜門讀書以求聖賢之學後隱於九峰山父喪明母喪癱奉養周至及沒居喪廬墓盡禮時山寇呂光甫嘯聚剽掠所至焚燬獨戒勿犯趙先生閭舍洪武初以人材薦授繁昌縣仲窪河泊官未久即引疾歸隱府志

諸葛瑤字楚賢晉江人少好學倜儻尚氣節洪武十年辟為從事情憤然曰安能居刀筆之下託疾不就越四年徵赴復以疾辭杜門養志娛心經史諸書

府志

夏秦字西仲晉江人少讀書經傳子史靡不該貫教授鄉里郡守胡器與部使者多造其廬咨以政治
洪武中召至京師欲用之首陳年老乞骸歸簞瓢屢空處之晏如也或云元季進士不知何許人避

亂來居青陽山府志

吳權字用中晉江人幼善屬文舉正德癸酉副榜遂隱居不求仕築室迎春門外九石之右讀書講學

終身府志

歐陽秋晉江人詹之裔隱居南安天豐山作獨善山房讀書終身蔡清為記稱其孝友為士論所歸閩書

陳洪壁晉江人隱居涵江之濱刻苦學易而於太極

圖參同契鑽研入奧所為詩文多以理勝閩書

國朝

洪承峻號紫農山人太傅承疇季弟為諸生有逸才

博涉書史工詩文尤喜臨池行草蜿蜒迺縱時人

目之曰龍蛇字 國朝定鼎後將授以官辭不赴

康熙初又欲官之固辭如初時承疇方貴盛承峻

獨偃蹇巖壑夷然自放以書翰篇什自娛其兄不

能強也縣志參洪氏家傳

漳州府

宋

鄭柔字克剛今為詔安人紹興中在太學與時相秦
檜湯思退左嘗建議乞決意北征為湯思退所阻
謂高要簿不就歸隱九侯山著有康正題詠時甚

重之書

薛京字宗沐與鄭柔俱師事陳景肅陳與秦檜忤辭
知台州京亦乞歸省檜以其為景肅黨銜之歸與
其徒講學漸山九侯間賦詩自樂終檜之世屏跡
不仕時同郡楊耿字國光在太學與薛京齊名相
率乞歸闢精一堂於修竹間歸焉府志

黃子信長泰人應嘉定九年特科以文章行誼為學
者師初調新會鹽場帥楊長儒以其老榜為監心
易之嘗楮撫其簿書子信投以詩拂衣而去長儒
得詩恨相見之晚府志

王德裕字國明長泰人幼有志操聰明強記充弟子
員宋亡元詔至漳德裕拜哭於庭裂衣巾焚之曰
吾宋人也不得復著此矣至正間詔選儒吏延祐
初訪遺逸復徵耆儒俱不就隱居教授生徒為學
者所宗府志

明

林邁佳字子篤詔安人潛心力學從薛欽字黃道周
遊著環中一貫圖說究論天人事物之蘊薛以一
庵子呼之晚歲以學行舉終栖隱不出府志
張士楷字端卿漳浦人御史若化子也幼學爲詩歌
古文詞超然獨往會鼎革若化與季第長史若仲
偕隱丹山士楷方弱冠自以先代遺臣子而在堂
方高首陽之節思承歡膝下克世忠孝以養親志
乃一意屏棄舉業潛心性命以主敬爲根本遂杜
門不出論者以士楷方漢汝南黃憲憲好臧否人
物時露圭角涵養所得未知於楷何如也著有濮

沿山人集

府志

洪思字阿士龍溪人年方舞勺隨其父游黃道周之
門容止甚飭道周器之及道周出山思稍長乃自
附於鄴山之徒道周旣歿逃於敬身山不入城市
日以詩歌自放時買舟過江東登鄴山撫石翁哭
而去縣志

王仍輅字載卿漳浦人少宰志道之孫丙戌後逃於
丹山從張端卿遊每與登山巔望遠海滄纍纍下
常若効臯羽之哭者家旣落恒敝衣冠有姑妻於
貴人仍輅不往貴人餌以千金終不顧率妻子入

珠溪萬山中暮年還舊址築數椽嘗置一笠爲亭
四面編蘆障之竟老其中府志

程之正號亦奇漳浦廩生生平操履端方一介不苟

取與舌耕之外澹然無求樵蘇不爨晏坐終日鼎

革後赴文廟拜辭衣巾退而徜徉山水蕭然以

終老焉府志

延平府

五代

陳陶字嵩伯南平人性沉敏博學善屬文聲詩象數
無不研究隱南昌西山武宣時以歌詩名嘗游廣

州得柑橙歸植卽生果令山童鬻之沒後二種皆

不實府志

楊希旦將樂人少以文行知名屢舉不第退老於家

詩書自娛敦樸平易粹然長者之風楊時常稱之

府志

明

鄭文瑞永安人幼事魚鹽志氣昂梗每攜載籍以行

年三十餘一旦惕然盡棄所事負笈從師爲學刻

苦惕厲榻不安寢赴省試不第乃絕跡市塵隱居

一室中精研易學縣志

林元字本乾永安人家貧刻苦為學不與常伍詩自成一家然不樂仕進嘗作霖膏心澤平寇二賦當

道皆以高士稱之府志

羅天長號紫曦永安人少有逸志好老莊抱朴等書

嘗泛洋達六鰲山有異遇遂厭珍茹素探奇武彝

武彝有呂仙百字碑衆莫解天長能辨蝌蚪文為

句比字櫛刊之行世隱武彝峰十餘年歸廬于枿

欄六龍窩巖梁諸處縣志

一瀚沙縣人應雷之孫也舉明經有聲巽序鼎革

後文貧隱居臨卒作歌有勺園詩集縣志

國朝

楊之正字瑞之南平人龜山十九世孫幼失怙事母

不離左右母憚服藥有疾輒持盃跪而進之或口

啣以哺家貧勵志讀書值耿變絕意科舉以詩文

自娛著有崇儉篇迂草縣志

建寧府

五代

柳崇字子高崇安人其先世由河東來居金鵝峰遂

為五夫里人崇以儒學著名值季世終身布衣稱

處士府志

宋

熊知至字意誠建陽人袁四世孫博學工詩天聖中

五舉不第歸隱鰲峰有鰲峰隱人集縣志

熊蕃字叔茂建陽人事母孝善屬文不復應舉築堂

名獨善人稱獨善先生嘗考正茶錄別其品第又

為製茶十詠有文稿三卷縣志

童參旣寧人性淳朴隱于耕仁宗元祐間百有二歲

賜勅授承務郎逾年卒府志

劉元振字君式崇安人少沉靜有器識季父中散大

夫當蔭子將屬元振元振辭與其弟脫弱冠游大

學持身有禮衆敬憚之呂大臨游酢皆與友善元

豐中士子方尚文華元振獨沉涵載籍深造義理

以是不合于有司歸則篤志養親放情泉石閩大記

謝安時字尚可政和人博通經傳援筆成文崇寧大

觀以文行兩優貢入辟雍謁告歸復與鄉薦靖康

之變攜家隱西坑別墅庭植三桂號桂堂府志

游中孚字大信崇安人博文強識叅政李元知宣州

會李成擁衆攻城議遣官求援於大帥岳飛道路

阻絕寮屬皆憚往中孚時為李客慨然請行由間

道走太平見飛飛與飲曰公姑飲援兵已至竟陵

矣園解元欲請於朝命以官力辭歸隱府志

童成大字元偉甌寧人宋季不仕以醫術活其鄉人

謝枋得入閩過其家作歌贈之所著有松壑集縣志

元

周震一建安人居不妄交一人謝枋得客建寧震

一獨與相厚謝稱其忠厚篤敬言不妄發行不妄

動翛然塵埃之外府志

趙若字順之崇安人蒙古丞相入閩一見器重薦

授同安縣尹不就隱於家有園池亭榭之勝以供

嘯咏當道三使人來聘皆不就閩川名士傳

張以仁政和人元季隱於蓮花峰下與魏伯堅謝坤

孫蘊余應相友善旦夜講論經史至忘饑渴後俱

以文行知名而以仁伯堅終隱不仕縣志

明

蘇鉦字良聲建安人喜積善工吟咏書法寫石竹花

木山水皆極其妙閉門終日不干世事一時隱逸

有才行者必稱鉦云著有竹坡集縣志

劉楫字汝濟建安人為人慷慨尚義嘉靖丁巳邊儲

匱急奉詔輸粟萬石都御史尙之授指揮簽事堅

辭不赴隱紫芝山房置古今名物法書圖畫自逸

府志

林順字孝從政和人弱冠為鄉校師學者多所造就
永樂間以孝廉舉不就同邑余畝字希尹奉母至
孝作詩文有古意以楷書薦知府試其字畝書游
子吟復之拂袖而歸府志

邵武府

宋

李安期字泰伯建寧人淹貫經史尤以詩名遨遊江
湖一日謁四川茶馬使王涯因賦白鷺詩涯奇其
材將以贖良薦因奕爭道安期推枰曰公平章天

下亦可如此反覆乎涯深自刻責以末藝失天下

士有集行世府志

嚴參字少魯羽之族志則崖岸而外無廉棱或勸廢

交延譽則掩耳不答高臥中林瞪視一時自號三

休居士府志

黃大仕字元明邵武人博遊江湖所交皆當世名士

隱于泰寧龍溪以詩酒自娛有集行世縣志

元

危昂霄字次房光澤人耽嗜經史雅意林泉不樂仕
進詩詞多豪俊超曠為時所慕府志

明

何伯誠建寧人性樂易與物無競尤厭華靡足跡不
至城府嘉遯林泉以詩酒自適翛然有古人風其
子姓繁衍皆循循守禮法蓋有得於家庭之訓云

府志

陳天標字維表泰寧人積學能文由諸生入太學除
建昌丞欲掛冠去當道勉留迄三載覲旋辭不復
仕轉平樂府經歷竟弗就不問人間事惟詩酒以

永朝夕

縣志

汀州府

宋

宣明字南仲長汀人貢入辟雍旋歸築室城南五星
巖郡守謝炯時訪造焉題其巖曰宣巖

縣志

明

伍禮字宗明清流舉人會試屆期父送之曰汝行勉
力吾老矣恐無復相見禮泣曰豈敢懷利而忘親
乎試畢南歸養父父歿絕意仕進

府志

董璘長汀人永樂間貢入國子監不願仕旋家遨遊

山林間卒年九十六

府志

伍福霑清流人居常淡素工舉業草書效葉水東山

水效沈石田皆化其迹詩不喜靡麗尤善廣陵散
遠邇致幣益繁尋棄舉業作五岳遊久未返妻誓
死以待子昌死遠訪及歸曾無兒女態仍隱居蓮

華山縣志

福寧府

宋

姚國秀福安人隱居不仕構東塾書院於勒馬山扁

小亭曰信芳以志終隱府志

林天書名詔以字行霞浦人篤學勵行咸淳戊辰進

士授晉江尉以疾乞歸八年而宋亡元初屢徵不

起閩書

元

繆奕老字德深福安人耽書忘寢元亂高隱別號宗

蘭取幽貞義築室獅巖蒔蘭繞屋扁曰蘭室所居

孝友成俗縣志

陳元顯字本晦寧德人少負大志弱冠不干世務構

復青亭吟嘯其中與陳自新為詩社子彥文亦以

儒隱縣志

明

彭棣字士鞞號半村博學能文隱居不仕園栽杏樹

通岐黃之術鄉里賴之府志

游德字廷光號槃澗霞浦人早受經即通大意性至

孝將赴試母泣送之遂築室南陽取武侯淡泊明

志之意願其廬曰隆中牛榻奉二親居之朝晡暮

讀超然世外著有隆中牛榻稿府志

李中美霞浦人博學好義不求人知與袁慆林子燧

張滋友善雖盛暑必衣冠不樂居城市中張滋字

文潤篤嗜書史嘗杜門不出自號懶齋府志

陳廣字伯遠寧德人端重嫻雅有儒者風隱居授徒

多所成就林莊敏嘗受業焉有詩文集行世府志

鄭漢字濯之號思齋霞浦人由舉人任學正擢城武

縣政聲籍甚以事忤上官解組歸題庭柱云梁燕

休來驚午夢海鷗方與訂前盟手錄古高士傳以

寄志因號澹然翁自為傳縣志

國朝

王廣精天文易學隱居洪江教授生徒海寇鄭芝龍

聞其名兩徵以金却之不受著有易序及秦川四

咏詩府志

張國鏞字亦韻貢生恬淡自安嘗慕陶徵君之為人

性喜菊每菊時與兄國鐸吟成菊譜集曰花萼聯

吟又有秋園百咏縣志

臺灣府

明

王忠孝字愧兩惠安人登進士以戶部主事權關劾
太監許旨廷杖下獄後戍邊士卒千餘赴都門泣
留三年乃免國變家居杜門不出康熙三年偕盧
若騰入臺日與山林諸人肆意詩酒隱居四年卒

府志

永春州

宗

蘇紹成德化人隱于北中朱熹重其有德嘗造其廬
書廉靜二字與之且銘其棊曰養君中和之正性
禁爾忿慾之邪心乾坤無言物有則我獨與子鈞
其深宋泉州志

陳有仁字有德德化人嘗為湖北帥去官後隱於邑
西鵬都黃冠逍遙深明修煉之術州志

明

歐陽文偉不知何許人洪武間與廖仲為友同隱逕
田山中以詩文自豪後仲應聘出以詩寄文偉有
我為虛名櫻世網林泉高致總輸君之句延平府志

廖興大田人宣德間尤溪縣施泰辟為邑掾秩滿擢
官不仕歸隱里俗尙焚尸弔者至擊牛醑酒與將
卒遺命治喪盡如古禮俗為之變州志

龍巖州

宋

陳備龍巖人元祐間與劉棠同里俱工詞賦志不混
塵俗時人稱曰劉棠陳備漳南賦虎劉旣登科陳
遂隱跡溪南後莫知所終漳州志

明

蘇克善龍巖人好學篤行以孝友聞正統間王源為

潮州守奏舉克善與林洪中署揭陽程鄉學博克
善以書辭曰三代尙有逸民父母旣逝毛生之機
決不敢捧遂隱居山中及沙寇亂後都督范雄召
至問計卒賴其謀平餘黨境內以寧州志

福建續志卷五十七終

隱逸

